

沈乃文 主編

明別集叢刊 第三輯

第三冊

黃山書社





國家出版基金項目
NATIONAL PUBLISHING FUND PROJECT

「十二五」國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第三輯

第三冊

黃山書社



(明)歐大任 撰

歐虞部集十四種

清刻本

歐虞部集

百粵先賢志四卷

文集廿二卷

旅燕集四卷

浮淮集七卷

輶中稿一卷

廣陵十先生傳一卷

游梁集七卷

南蕝集一卷

北轅艸一卷

塵館集四卷

西署集八卷

秣陵集八卷

詔歸集一卷

蘧園集二卷

都下贈言一卷

附李英集四卷

百越先賢志序

自昔列國史失其守乃有州郡
傳記行世如海南陳留之比大
桓各以所產名賢為宗略疏行
能用獎風教然未有內起吳會
外及交南地廣萬餘里人闕二

序

子年志稽隱索名立實從如南
海歐先生楨伯百越先賢志云
始余見廣以東人物志間有名
籍史漢多曠每嘆其該洽可為
明二京十三藩國志首今乃知其
勞勩一出楨伯質以是書則然

爾時楨伯尚在諸生列治經少
休即配周秦二漢書記覽之動
心曰士生當世未得託足乘輅
論心傾蓋便可恬然玩晨暘夕
甘而目前里兒爭試經高下已
哉它不敢慕會稽以南交趾以

序

北固古百粵地也所產先猷皆
吾同里論世尚受把書而是何
必車撤馬跡周游四極意乃快
乎因錄貯篋徵見厥志乃後上
公車授經揚沙入為太學廷尉
官屬至南虞部即歸當是時太

上將相最下山樵澤漁粗有名
字者近則就見遠則聲投締交
英雋將徧海內奚有于百粵回
視自若翻志之初得毋太讎楨
伯志哉或謂志中九江南昌似
此粵來曰澤未山越士之歛番

序

三

于九南何嫌楨伯顧以有請續
漢後為問多自以晉廣建大非
漢舊復悉取而目之粵澤支拘
儒不駭壞為則駭星分寧獨九
南間人楨伯殆姑試多耶不則
四十年前錄貯充篋豈僅四卷

為覽竟奉命附從子虞仰行且
叙維初勅志本指或如此

始安教弟張鳴鳳頓首拜

序

序

四

百越先賢志序

粵越一也禹貢周職方揚州外境五嶺至十海盡越之南裔始禹周行天下還越會計諸侯少康封庶子無餘於會稽以奉禹祀文身斷髮披草萊而邑焉無

序

餘後二十餘世至允常子句踐竟滅吳稱王徙都瑯琊雄方國矣句踐六世至王無疆伐楚楚熊商敗之無疆去瑯琊止東武越遂散諸子或爲王或爲君濱於江南海上臣服於楚謂之百

越蓋揚州分野會稽以南星紀

鶉尾實負南海羸秦滅楚王翦略取揚越漸爲三羈曰南海曰桂林曰象尉陀子孫歸漢合浦蒼梧鬱林交趾九真兼儋耳珠厓羈而九矣今自南越北屆姑

序

胥盡會稽之境故夫越也東自無諸都東治至漳泉故閩越也東海王搖都于永嘉故甌越也譯吁宋舊壤湘灘而南故西越也牂牁西下邕容綏建故駱越也漢人謂越近海多犀角玳瑁

珠璣銀銅果布之湊豈但然乎
陽德之盛鍾爲人文衣冠禮樂
不於唐虞聲教暨南交始邪余
聞太史公曰越雖蠻夷其先豈
嘗有大功德於民哉夫句踐在
春秋書於越入吳夷之也其時
序
越之人蓋有爲苦身戮力溪謀
秘計以報羈栖之恥號令中國
而尊周室者卽秦漢以來騶氏
之爲無諸爲搖趙氏之爲陀爲
光越人左右毗贊之者不少至
劉氏東西二京功業文章之臣

出于越之南北七八千里薄海
至交州益多矣於是綜史牒按
遺佚自周迄漢百二十人荒渺
遼遙大賢小賢故備錄焉章武
黃初下逮唐宋別爲紀載不揣
漏略此則志百越先賢云

序
明嘉靖三十三年十一月長至

日嶺南歐大任序

百越先賢志凡例

一兩漢輿地志吳越之境皆會稽郡別為丹陽豫章故會稽之越夏禹苗裔也星散之後為王為君長濱於江南海上百越之所繇名因其君長所居地實遠至南海桂林漢以後州郡分隸名以代姝今志人物原本百越按其實也廬鳳淮揚在漢為東海臨淮二郡雖漢志盡屬吳分不得強同

一會稽秦置郡也地最廣斥漢分為吳郡然地

百越先賢志

凡例

一即太伯吳國南方精華之學蓋有孔門之教焉今志所載漢之會稽漢之南海人士居多諸郡什一廣陵固有邵平徐璆淮陰固有韓信枚乘舒六固有英布文翁沛上固有蕭曹諸人非可因吳分而並存即子游季札亦不錄也

一志內人物如隱逸方外俱依世代並與功業文章之士皆曰先賢孔門且謂賢者識大不賢識小皆為可師故稱先賢非故襲襄陽耆舊荆楚陳留先賢而為斯編也

一百越人物年歷久遠前代記載詳略不同今小善必錄不泯其名大賢功行即馬班紀載或刪繁一二固所不免志專於詳載故不加論贊

百越先賢志

凡例

家虞部公傳

族曾孫必元誤

公諱大任字楨伯廣州順德人以歲薦起家歷仕至南京工部虞衛司郎中故又稱虞部公宋右文殿學士公十五世孫也父曰贈奉政公世元配孔太宜人於正德丙子孟冬二十五日實生公就館之夕紅光滿室太宜人心竊異之奉政公行淳篤有長者風而又好讀書所著沙洲稿行于世舉丈夫子四虞部公居長次公衡仲大鈞叔子明叔大

歐虞部集

謨季子經季大章皆翩翩不類田家兒獨公少時閉秀異常五歲奉政公口授之書輒成誦見客客使屬對必工九齡從里塾師日咕嚕習經生業已悉肱奉政公篋得五經檀弓左氏莊列屈原李杜諸家言笏讀二十一史奉政公奇其意弗禁也遂能為聲詩藉藉傳里中而更精春秋公羊穀梁胡康侯傳就試有司俱第一人弱冠以儒生入棘闈試卷為大叅項公所得大嘉賞識首薦于部使者曰甘論麟經可稱白着即二三場淹通今古恐亦

非帖括家所易得宜亟收衡文者竟以一二字違式見擯甚非項公意也項為黃文裕公高足闈後竟持公卷以呈文裕文裕賞識如項公公始執羔鴈同梁比部公公實黎秘書公惟敬潘光祿公少承朝夕師事焉文裕賞公見所作南粵賦覽畢嗟嘆良久以為莫及謂在孔門必登游夏之堂即應漢科亦入董賈之室其見重如此餼廩學宮十餘年每試必冠軍督學林端簡公雲同張萊溪公希舉嘗合十郡異等十三試之俱以公為第一人是

歐虞部集

時邑令莆陽方公君敬尤為折節邀同郡丞陳公士鵠與其子督學公子及讀書署中制舉之外益發憤下帷遍考 國家典故以及律呂天文輿地諸稗史嘗與修廣東通志多所考訂以補前人之缺其誤大司馬翁公萬達太守唐公守勳諸傳尤得班馬體裁纂有平陽家乘二十卷其自序嘗曰余歷述黃帝以來為姓系紀以先人嘗志斯事世典譜牒論次舊聞網羅放失自金陵初遷苗裔綿遠宗法固存始祖之祀雖尊雄州而金陵以來世

次可紀大任於是遡觀昱公而下繫之國史以爲世表明太宗之法使子孫萬世有所考焉我祖生當衰曆唐自乾符以來江淮盜起至梁開平乾化中楊行密父子僭據東南觀昱遷於此時甫自弱齡兼羅荼苦未幾而金陵有徐溫李昇之亂中朝人士往往避地嶺外王定保李衡周傑皆前代衣冠之族乃不免爲劉隱所招禮獨我祖戢翼綿圃潛鱗菱潭迨宋之興始以其子策名上國受祿位焉故由提舉學士以及武仙公八世簪紱不乏上

歐虞部集

舍公當宋末猶能與樂清劉黻吉水鄒鳳伏闕上疏條陳政治得失劾賈似道專政誤國其言不用歸構九峰書院聚徒講學著有詩文集十卷散佚過半大任始輯其所存者三卷并理學簡言一卷付之梓人非敢求行于世亦吾家之天球河圖也夫公入戰棘園俱弗獲雋當世廟癸亥春以明經入貢需次于闕下一時天下郡邑士千八百餘人待試大廷瞿文懿公景淳爲宗伯讀公卷大驚曰此一代才也必當以古文詞登壇稅苑特進

御覽列名第一都人士無論識不識無不知南海有歐楨信先生已值太倉相國王文肅公讀書中秘固麟經宗匠深賞公經苑延歸家塾與其弟督學公元學結社課文更索覽其所爲家乘而序之語具詳序中甲子秋就大京兆試亦幾入殼而復罷遂謁銓曹循資授直隸江都文學掾是時濟南李觀察于麟瑯琊王司寇元美吳興徐方伯子與武昌吳大叅明卿新都汪司馬伯玉豫章余憲副德甫銅梁張大司馬肖甫上蔡張中丞助甫並建

歐虞部集

旗鼓雄視中原皆從郵筒中緘致詩札各願得交歡於廣陵開竹西社羣諸弟子陸無從弼及山人茅平仲郭次甫程子虛李季常陸華甫吳叔承朱仲開邵長孺吳虎臣康裕卿日相倡和王元美李于麟徐子與三先生又聯騎過訪其學宮首宿留歡數日乃別題咏諸什幾與廣陵濤爭勝人皆誇以爲盛事云雖不及追宗督學子相游而受命部使者爲宗臣立傳李于麟稱其有良史才洵不誣也隆慶己巳漕運中丞方公濂首薦于朝遷河

南光州學正中州人士鮮有好學嗜古者公至光
晨夕進諸子弟誨以躬行品以經術然後旁及諸
子百家士始知力行慕古所歷中岳大河弔漢宋
故墟至今傳誦其光武廟未仙鎮諸作可追風雅
遷邵武府教授以孔太宜人喪奔歸服除補南康
府未任卽擢國子監助教專以作人勸學爲本六
館諸生大半執經門下人謂韓愈四門胡瑗直講
不能過也值 顯皇帝幸太學賜衣一襲公賦臨
雍頌以紀盛事 上亦先聞公才名一日萬幾稍

歐虞部集

五

暇親歷宸翰躬作不二二字賜之字大如斗筆法
道勁字畫皆整時 上猶冲齡也公日夕焚香披
對致政歸里日特築寶翰樓藏之以爲世珍時館
閣諸公稱詩者雲集 輦轂如許歙縣張新建沈
四明趙蘭谿四相國王定安劉邱任何信陽三宗
伯沈君典趙汝師王亂昌范伯楨黃懋中數太史
王奉常敬美方銀臺允治邱計部謙之邢侍御子
愿湯堯文章顯純兩國子李宛平襲美及吾嶺南
梁舍人思伯爭相把臂至郢中大司空曾公則最

爲暱好稱爾汝交其後有張羽王魏懋權喻邦相
沈純甫胡元瑞田子藝胡孟弢屠長卿郭建初莫
雲卿張元易馬用昭門人則程無過程虞仲潘子
朋詩僧如鎮繼正秀德清如序閒引爲方外友都
市詩壇會無虛日亦一時之盛也公有季弟入燕
訪兄亦以詩畫鳴得闖入社會稱爲大小歐其三
弟明叔公以諸生工詩律嗜酒早卽世仲則以詩
寄於商卒金陵公有文誄之曰三人儒業一人商
游商旣不遂儒亦未顯讀之令人酸鼻已卯改大

歐虞部集

六

理寺左評事公謂刑獄重典一成不可復變每巡
城御史及司寇郎論囚至必夜閱文卷朝審囚徒
有一可以平反者無不殫心細鞫其從輕出罪者
最多閹宦姪有殺人司寇以小火者抵罪公再三
難之會火者擊登聞鼓鳴冤比部四五曹郎先後
鞫審者固以嚴卿讞詞再至曰政府亦謂此蔽於
火者也公曰火者與其人毆於一月前及再毆下
手致命加功者非火者也豈得以受賄冤人大理
不知畏人只知畏三尺耳卒直之一日大理兩封

事人其一許戚晚家人論紱也中貴人自內出據中門受諸臣封事曰大理兩封且去公裂眦大呼曰大理臣奉 陛下法評當論奏誰敢阻却御前封事耶一時府部卿寺臺省諸臣同上奏者相顧止舌權相當國足以奔走天下縉紳欲留公入爲兩制使所知諷意公引嫌遠避而南工部之命下矣初遷屯田司主事凡屯種蘆課班匠按科籍理積弊稍稍釐正壬午轉虞衡司郎中諸軍器窰冶工作多與內府監局相連按以舊章所營造

歐虞部集

七

宮殿 陵廟城垣無不先備與同官祇役督修孝陵有白金文綺之賜鼎建玄武門竣工甲申秋年僅七十卽上書乞骸骨得允便單車就道已居金陵結有清溪社與臨淮李侯惟寅西寧宋侯忠甫誠意劉伯國禎顧司勳道行李司封于田劉大理長欽許奉常仲貽余太史孟祥郭水部相金臧博士晉叔余明府宗漢及孫齊之張幼于王伯毅殷無美金在衡汪仲淹俞仲蔚曹子念汪仲嘉梅禹金梅季豹黃白仲陸伯生周公瑕吳公擇沈士

範李季宣錢功父汪象初俞羨長胡茂承盛仲交汪尚父管輝圭諸先生爲詩酒會公飲不能栝勺終年夕談笑即寢且不倦平生無媵與妾陳宜人夫妻相敬如賓且少出就外侍歸必揖兩尊人然後復寢室後夫婦出入必相揖所至宦遊必攜一老記室曰李生矣亦能詩楚楚有聲於海內至今猶有誦李英詩者雖不能勝方回而度出蕭穎士杜亮上也由秣陵歸道經吳門訪王二仲于弁園入都數往來豫章其朱邸之交則宗侯用晦貞吉

歐虞部集

八

宗良孔陽魏甫佳甫弗斯同伯子深鬱儀諸先生歸就赤花洲上鑿池開徑秣杞菊以供賓客構清朗閣以藏積書雖至老非大寒大暑不輟卷絕不問家人生產田園無所增益於先人獨倡諸子弟設祭田建家廟祀奉政公及孔太宜人朔望禴祭一如家禮又設宗法立族老族正以率宗人冬至會三千餘衆瞻拜祠下衣冠雲集尤他族所難者鄉居罕人城市部使者藩臬郡邑諸大夫罕得覩公顏面督學就李郭公親造其廬偕入羅浮訪葉

民部化甫先生盤桓於四伯峰間遍為題咏間為
赴浮邱社入五羊會省人士擁道而觀者皆稱為
神仙觀公溫然之容與藹然之度似無貴賤長幼
俱樂與笑談然溼涸甚明門膚頰峻家食後非通
家子弟與名士詞林不能輕入一刺在城則故人
黎惟仁唐寅仲鄧君肅三先生及朱季美劉季德
黎君璽劉道子蘇叔大潘子遷諸子餘外寥寥也
居鄉則黃少嘉關伯玉李裕德關少璋黃元光族
屬諸子如虞鄉華玉少功啓薦諸伯叔及先府君

歐虞部集

九

啓明招人蓮園談詩為樂大有竹林風遠客則蒲
陽吳山人元翰高涼李孝廉惟實過訪或徵詩或
乞文者蹟相接而公應之裕如也七十餘猶矍鑠
拜起如壯年歲時伏臈與宗黨燕會必劇歡即童
稚繞膝亦嬉笑盡日而去必元弱冠補諸生間得
侍公杖履或同舟來城縱談竟日或讀余一二少
時初作詩曰咄咄孺子可教為之點竄一二語焉
嗚呼今已矣哉公博洽不出文裕公下故其詩文
大都典雅有法沉鬱而不鑿空非少年以汗血逞

詩所著有百越先賢志四卷家乘二十卷廣陵十
先生傳一卷思立堂集八卷旅燕集四卷輶中集
一卷浮淮集七卷濟梁集七卷南翥集一卷北轅
艸一卷雜詔集四卷西署集八卷秣陵集八卷詔
歸集一卷蓮園集十卷虞部文集七十卷行于世
當世作者無不知有歐虞部詩文已但其胸羅典
籍識豫經綸則未有窺之者余讀其在江都時所
上兩淮屯鹽事宜曰私鹽不禁官鹽不行官鹽既
平私取自息祖宗時商人支鹽本少利重民食賤

歐虞部集

十

鹽鹽竈有工本之給受惠甚厚私鹽豈能復行今
客商用本既多支買歲久而官鹽貴矣竈丁每正
鹽一引僅得賑銀五分而恩意薄矣此民間竈戶
所以寧不畏法而願食賤鹽敢于私取也不求其
本必欲盡法繩之朝鞭夕撻日亦不足徒苦肩挑
背負易食小民耳必如明示倣工本鈔遺意官收
竈戶餘鹽恩威並舉若為令甲漸復舊制是謂澄
源且兩淮鹽課除水鄉徵銀外三十場俱徵本色
惟堯濱一場折色後白駒場准納折色五分西亭